

飭養老人述

膳
馱
士
鄒
新
廣

南康盧鑄



騰越杜亂紀實序

前清咸同之交中原雲擾兵氣彌漫吾滇僻處西陲永昌騰越及處鎮之區西咸豐丙辰大理爲回曾杜文秀所據永昌騰越與省垣交通斷絕杜酋遣悍黨蔡七二西犯永騰先後失陷殺戮之慘殆逾闔獻蓋闔獻隨地而流且繇於有司之先馭揭竿而起仇官而非仇民滇回之役始由姦民乘機挑畔各分畛域當事者又昏庸相繼措置乖方於是漢回之良懦者受殃悍黠者積忿成仇藉口報復漢回互相仇者並因以仇官攻陷城邑塗炭生靈者垂二十年始獲漸次戡定蓋滇人幾靡有子遺矣辛酉之夏永昌先陷秋九月騰越繼之壽熙方幼稚先伯祖先嗣祖妣先妣先叔母先姑母均殉難先太夫攜壽熙兄弟倉皇避難是時干戈滿地間關轉徙瑣尾流離越歲始抵山

左依先伯父以成立蹉跎歲月星紀已週痛定思痛有如隔世民國紀元十二年四月騰越李印泉大司農出其鄉人曹佩瑤先生騰越杜亂紀實相示敘述當日變亂始末條分縷析朗若列眉洵堪爲後人龜鑑方今民國肇造五族共和願讀是編者懷前車之既覆相親相睦同我太平釋氏云慎毋造因其亦可深長思也夫

保山吳壽熙序

飯藿老人騰越杜亂紀實題詞

回頭歲月去駸駸物換星移直到今慘極紅羊罹浩劫痛深黃鳥託遺音滄桑幾度氛猶惡甲子重週感不禁讀罷一編徵實紀故園南望淚沾襟

保山吳壽熙

飯藿老人騰越杜亂紀實題詞

睚眦何當報尋仇到處同花門方肆虐梓里竟興戎骨肉流離際風雲慘淡
中厲階問誰釀歷劫盡沙蟲

誰負臨民責模稜受牧芻小人甘走險庸吏有餘辜逝水流光疾燎原戰跡
燕開編增感觸南望幾踟躕

保山吳煦謹題

騰越杜亂紀實

郡人曹現保撰

滇之有回教。由來久矣。元初。賽點赤來滇。建清真寺於各路。招徒設教。輔以官力。漢民入回教者。駸衆。循是以往。回教繁衍。莫可紀極。騰之回教。則以城內外烏索馬家村三地爲最著。教民富堅忍性。精悍英發。善營商業。嘉道間。最稱富庶。旅居緬甸爲玉石寶石棉花商者。半屬之。其列庠序登賢書者。幾與漢衆相埒。補綠營千把總者尤多。自來滇。回聚處無纖芥嫌。惟不通婚娶。不食豚肉。禮俗稍異。回徒工戲術者。每於迎神賽會。春燈互換間。炫奇譁肆。作態凌侮漢民。往往因以鬪毆。惡感漸滋。滇之回禍。肇於道光中葉。陝甘回有藍老陝者。以整飭教門。率衆來滇。暗肆煽惑。挑畔尋仇。遂各懷疑。不數

年有緬甯漢回互鬪案。永昌八鄉殺回案。雲州回教據城案。漢回之禍。雖旋起施滅。有識者已心竊憂之。

咸豐六年丙辰春。藍老陝馬金保舉回叛。踞姚州城。大理提督文祥。

滿洲人調

各鎮綠營兵官往勦。圍攻半年不克。官兵死數千人。吾騰奉調征姚者亦戰死千餘人。文祥變勦主撫。匪佯受撫。乘機突擊。文軍敗退。秋八月。杜文秀響

應據大理城。稱大元帥。

文秀保山縣回民

迤西震動。警報至騰。漢回均懷恐懼。先是綠

營率赴調攻姚州。遺騰者半老弱。總兵官明慶。

滿洲人

庸闇貪鄙。不治事。郡中

不逞之徒。趙連城。李枝培。岳陽成。董大用。黃在萬等。假大理失陷名義。拜把於各鄉。造謠惑衆。謂回教聚徒。尅期起事。漢人不先制回。必見屠戮。狂熱青以聽之。附和者衆。把勢日張。不可遏抑。廳同知王秀毓。州人進士幹。續有爲。慮

殺機一發難收。偕漢回信川素著士紳。親往城鄉。多方解釋。然一傳衆咻。把黨濫言益熾。大會忠孝寺。倡言殺回。起於李枝培。成於趙連城。決於岳陽成諸人。於是而漢回浩劫以成。風鶴頻驚。岌岌不可終日。冬十月三日。枝培等方率衆闕於街衢。適有回教無賴何啓浩者。與回富豪有怨。欲陷之。是夕乃於其住宅發槍數響。意在激與爲難。枝培等謂回果先發。遽擁衆城保。縱火肆殺。光熊熊燭天。殺聲震地。良懦全家殉亂。強壯者聚東門外禮拜寺抗禦。四日。把黨往攻。回民復汰老弱投池水死。衝鋒奔馬家村。六日。趙連城率諸把呼東門。守城官不敢抗。縱之入。令遇回盡殺。回民投池墜井。自縊服毒者累累。刳餘婦女。掠奪且盡。慘不可睹。而把黨猶挖窖淘井。破壁毀牆。搜殺不休。一時成把黨世界。匿一回誅及全家。卽摯交篤好。亦掩面而不可救。然僅

災及良懦。強武者流。率出圖報復。良漢慘劫。遂亦不可逃矣。而把魁且挾黨擁資。躊躇滿志。縱欲自快。未幾龍江練難民。報稱城保回民逃馬家村者。日與該地教徒羣聚慟哭。相約復仇。次日果率衆四出。凡附近馬家村漢民村落。皆被燒殺。擧把黨所加於回之慘毒。一以加之漢人。且破肚抽腸。燒臍烙臂。倍極慘酷。每破一寨。一人片瓦無復存者。此龍江一練之被難慘劇也。時南方有回弁千總張玠。率回兵駐南甸營。城中殺回。時玠奔杉木籠。與該地回民結合。招野夷千餘人。返攻南甸營。左營守備陳上進。率兵民登埤捍禦。誓死守。復得在籍廣東知縣尹藝。督河西鄉勇千餘來援。上進率兵攻出。內外夾攻。玠敗逃。繼上進以巨金買野夷。斬玠首來獻。第甸營之匪雖逃。而龍江警報日數至。廳丞王秀毓昕夕勞悴。旬日間鬚髮盡白。遂集十八練紳士

會商。傾誠泣告。再安撫回民。回仍橫肆燒殺。終無成效。乃決議主動。進籌兵餉事宜。設軍需總局於城保。以地方正紳李含英、革煥章、劉照青等董理之。時省道阻塞。無可稟承。不能不自爲計。故捐餉募兵。地方官紳胥共負其責。又承平日久。無知兵之將。以把魁趙連城等既開畔於前。當效用於後。且擁黨盤踞。爲地方憂。不得已募鄉勇萬餘名。委趙連城統帶。往攻馬家村。詎連城率練勇抵龍江。僅分紮連營百餘座。以包圍之。老師費財。久而無功。是舉也。雖曰以暴易暴。然既繼惡。且無以服回民之心。而平其憤。蓋兩失之矣。

咸豐七年丁巳。廳丞督催連城進攻。連城惟以大砲遠擊。日報捷音。久之回民軍火鹽糧將盡。有請乘此猛攻者。連城曰。馬家村爲吾輩生活。多延一年。富室資財。不患不盡爲吾有。所帶練總練目多把黨。遂益懈無進取氣。練餉

稍不足。輒縱練勇。刳富室自肥。圍攻半年。漢民耗財無數。於回民毫無損失。且馬家村未下。而烏索回民柳鐵三。復糾合邊關野夷。大出燒殺。大西之羅香阿白古永七寨難民。紛紛赴城涕泣請援。秀毓商軍需局紳籌備餉需。請武營官兵出勦。協以練勇。中營游擊施化庸。率兵行半途。爲賊要擊大敗。把總胡景相楊國寶死之。烏索賊愈肆。破碗礮寨。殺二千餘人。賊益披猖。被難村落日有所聞。營兵練勇。咸不能制。不得不聯民團爲自衛計。於是李珍國起於綺羅。尹維新起於大董。尹藝起於河西。劉光煥起於古永。曹輔清起於城保。其他各練。亦推選幹練紳士。舉辦鄉團。嚴修壕柵。日以防禦回匪爲事。馬家村匪得張珩餘黨來助。遂大出刳趙連城營。一日夜間。連陷連城營百餘座。左營都司陳上進營油葫蘆來督攻。築營未固。賊出猛撲。上進部卒多

精銳力守之。孤營克全。連城委棄。槍砲軍火無數。遁歸家。擁黨自衛。文武官吏。不能律以敗軍潛逃之罪。上進油葫蘆營。堅守抗賊。賊不敢西下。繼以撤歸保城。營東門外。

咸豐八年戊午春正月。烏索賊首柳鐵三。糾合野夷。許以凡攻破漢民村寨。任其劫掠。從者益衆。遂出大西。燒殺緬善。曹輔清率城保民團往援。戰於張家壩新路口。賊後隊至。輔清力竭陣亡。團兵遂潰。賊出小西練。燒殺十餘村落。王宣德率衆禦之。不敵敗死。兵民據大盈江爲防禦。正兩軍相持。馬家村賊擁衆萬餘至。攻撲東山腳一帶村落。燒殺殆盡。秀毓飭李珍國防黑坭廟。尹維新防黃土坡。劉光煥、楊占乙、蔣相士各率練勇相繼來援。分營北教場。鐵三屢來猛撲。均被擊退。城危稍舒。秀毓老而益壯。每戰必臨前敵。賞罰嚴

明士卒用命。賊復撲陳家巷不能逞。反爲所敗。乃飽掠民財返烏索。馬家村賊相持日久。劉光煥蔣相士楊占乙等轉守爲攻。脅賊背負其吭。進攻黃土坡。尹維新攻克龍華寺。首尾合擊。賊大敗。竄回馬家村。光煥等旣勇敢善戰。迭獲勝仗。人心漸定。紳民倚爲長城焉。乃馬家村賊方退。西路復蠢動。冬十一月鐵三糾合邊關野夷。擾明光臘幸。右營守備李秉賢率兵禦之。營於新街了烏山一帶。相持月餘。互有勝負。賊率衆夜襲。衆寡不敵。秉賢敗退。千總李殿瓊負重創。營破。部卒負之走。外委吳國保戰死。賊長驅出踞固東順江。至馬站街。諸生許登成率鄉勇扼之。旬餘彈罄援絕。寨破。全家死之。次年春。侵入緬箐。時馬家村賊及鐵三均與大理杜文秀通。鐵三稱僞將軍。馬國璽稱僞都督。冬十二月。杉木籠回人馬宣海。勾結諸山野夷二千餘人。出擾南

旬營。勢不可侮。都司陳上進拚死扼守。血戰半月。尹藝率河西鄉勇援之。戰於長寨。砲斃馬宣海。殺賊衆三百餘人。賊大敗潰走。

咸豐九年己未春。潞江土司線子章叛。降於馬家村賊。龍陵紳士趙廷巖亦與賊通。南甸司族目勾引國璽。率賊衆出據河東。襲曩宋關。抗拒月餘。關民不支。聚張氏大宅抵禦。賊曳柴草火其宅。死四百餘人。曩宋被屠。民房悉付一炬。賊乘勝犯河西。尹藝督鄉勇禦之。不得逞。襲南甸營。陳上進協兵民擊退之。竄出明朗。會合烏索賊。先是柳鐵三由大西出燒緬箐。破大村。諸生蘭自雄戰死。復侵明朗。燒數十餘村落。攻荷花池垂破。尹維新率所部往援。維將身先士卒。所部皆龍江難民。仇賊極深。故戰皆奮勇。所至克捷。賊兵雖衆。多裹脅而來。從未遭遇勁敵。經此激戰。畏維新如虎。相率引去。維新恢復明

朗緬箐。耀兵而還。秀毓頗敬重之。率廳人郊迎十里。良以杜逆蔓延迤西。交通斷絕。無由保獎。惟推誠優禮。以昭激勸而已。時貢生馮孝德於外龍江。聚難民三千餘人。結大寨拒賊。與賊戰。數獲勝。凡被賊所燒殺各練。亦各擇險結大寨抗賊。就中唐家營與賊近。屢被襲擊。互有勝負。秀毓以事有轉機。欲賊不據。必先使敵不能出。因集諸紳籌練餉。爲數甚巨。富室苦之。秀毓曰。兩賊巢爲吾心腹患。不除命且不保。安望有家。傾宦囊盡社物充餉。各富室爲所感動。一時傾家助餉者絡繹。乃飭劉光煥、蔣相士、添募勁勇。專任烏索勦賊事。并赴唐家營聯絡西路各營。各關隘土弁均歸節制。李珍國恢復上營。擒斬頗衆。軍威正盛。飭其與尹維新出下龍江。合馮孝德之衆。專辦馬家村。賊。維新率所部營二台箐。屢與賊戰。時有斬獲。賊畏之。不敢出擄者六閱月。

劉光煥至唐家營。會諸將商進取。合兵襲烏索。孟土弁兵敗死之。光煥猶拚力圍攻。迭獲大勝。鐵三終潛伏不敢出。半年間各地方稍得安謐。冬十一月。擊獲把首趙連城。駢誅之。自後把匪絕跡。地方事皆正紳李含英等任之。兵事則一以委之劉光煥李珍國焉。

咸豐十年庚申。秀毓以衰年。策劃勦賊事宜。練勇籌餉。積勞成疾。卒於署。騰人如喪考妣。秀毓一身關係。騰之存亡。秀毓卒。騰事由總兵明慶任之。勦賊諸將。大爲阻喪。凡事爲慶掣肘。軍心漸形動搖。未幾鐵三復據緬箐。出小西練。結大營於核桃園。直犯大盈江。蔣相士楊占乙率衆來援。會珍國與賊相持於西山壩。賊襲破陳家巷。犯北練。繞道峯口。夜渡疊水河下流。攻城保。礮之。焚五六七八保街。燒民屋五千餘家。殺掠兩日。珍國率衆來援。苦戰旬日。

賊退入緬箐。楊占乙扼守鵝籠。兵單不能支。賊出燒大莊。攻撲和順。幸防守堅固。又有劉光煥所部助之。賊不能入。遂退。秋馬家村賊。由上營出侵北練。焚二十餘村落。攻邵大營。柴生藻兄弟率鄉勇死力抵禦。殺賊三百餘人。敵退去。捨北圖南。悉衆襲南甸營。代理左營都司吳浩然率兵嚴加防禦。賊屢攻不下。退走。北出黃坡不遂。復夜襲羅漢冲莊烟村。破五寨。極殺戮之慘。冬馬家村賊復犯猛達。大小村落燒殺殆盡。次年附生濮登年聚難民千餘。結大寨於老蜜菓嶺。與賊抗。賊入清水練。殺掠十餘村落。李珍國禦之於栗柴壩。殊力戰。冬十二月。柳鐵三大舉抗緬箐。犯明朗。破荷花池。千總馬啟華率所部扼守蘭家寨。賊猛攻。彈罄援絕。寨破陣亡。明朗全練。爲賊盤踞。大遭殺掠。

咸豐十一年辛酉春。尹維新討潞江土司線子章。攻破其城。聞鐵

兵旋騰。時賊合犯朗蒲寨。以詐術襲破之。飽掠燒殺。闔寨一空。

此寨素稱
為南方最富

之區。遠近資財。
藏於此者為最多。

分兵降河東。犯河西。尹藝率鄉勇拒戰於蠻東。逾月河東

村寨盡為賊有。柳鐵三合馬六躬腰進薄南甸營。陳上進督兵禦之。斃賊三百餘人。賊束草龍堆草碼。窮盡攻術。上進均以火破之。賊不退。結營困之經年。上進精銳。傷亡殆盡。城中十四五歲男女。均充兵役。為協防。城將下。幸尹維新率所部衝入蠻東。助尹藝連戰皆捷。柳馬二賊敗退。南甸營圍解。未幾上進積勞卒。上進字月樓。英爽豁達。長於肆應。然勇敢善戰。一時殆無其偶。使天假之年。其功績當必有照人耳目者。乃遽如許。惜哉。尹維新尾賊後。戰旬餘克復明朗練。再戰於緬箐。賊遁歸老巢。是役尹維新殺賊千餘人。潞江